



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四〇五

惜分陰齋詩鈔十六卷 李 棻 撰

一

伯初詩鈔一卷伯初文存二卷 洪 朴 撰

二二七

南江文鈔十二卷南江詩鈔四卷 邵晉涵 撰

二五一

素脩堂詩集三十一卷（前集二十四卷後集六卷補遺一卷） 吳蔚光 撰

五九九

惜分陰齋詩鈔

惜分陰齋詩鈔

惜分陰齋詩鈔序
嘉慶己未春李子滄雲
使旌自蜀出而鈔前後
諸集詩十六卷讀之蓋
蜀道已再遊矣達者詩
人之作寓興西蜀山川
者其傑思必多滄雲生
吳中其於詩也固不繫
曲切煙月諸篇而體物
懷人深切情事又非迪
切譚藝所能概也況乎
攬結之緒中州南楚達



復按按廿辛丹素備喻
之矣而於蜀則前後著
錄波濤唱疊惟渙洋
常經石帆間沈吟追記
神味似之然愚竊聞
漁洋蜀道集前後諸

詩每多於埽後補為之
則山川之精氣朋友之
切磋得於當境者為尤
難也予與滄雪論詩於
雪門雨春軒三十餘年
矣今方得連卷接席

由蜀道諸作以上下論
詩則區々之懷由道園
以仰窺少陵之一二其
不執乎體貌格調間者
白接者友庶其有以知
我矣是歲夏六月望

前二日書于蘇齋
北平友人翁編



序

三百篇皆以所能鳴頌未嘗自稱其詩惟吉甫作頌乃以為穆如清風而謝公論詩亦言是語最工至毛鄭釋詩謂吉甫作是工歌之頌其調和人性如清微之風化養萬物與子夏所云風以動之教以化之其說相合夫崧高雅也兼以風言然則清和之旨足以統全詩與知此則好色而淫怨誹而亂於風雅奚當焉 李君滄雲生吳下吳之風古惜分陰齋詩鈔 王序

固未嘗列于十五國也而讀其詩穆然以和瀏然以清風而進于雅非有得于吉甫之旨不能滄雲以詞章受

主知其職業又在簪毫橐筆屬車豹尾間凡申伯仲山甫之功名方叔召虎之武烈皆得識而書之於是紓其所學以諷以誦推吉甫之旨上繼清廟生民之什用播

國家風雅之治其功豈淺鮮哉青浦王昶書

序

嚴滄浪論詩謂能詩者不盡闕學不學者究不能詩世但取別才一語轉失其意陸士衡緣情綺靡之言祇啟六朝風尚非溫柔敦厚本旨前哲云讀盡千萬卷行盡千萬里方可與言杜詩蓋詩之為道存乎其人為物多姿為體屢遷固難刻舟求劍也 學使李滄雲先生編詩若干卷授諸剞劂問序於予予未能深知詩焉能序先生之詩先生敦

惜分陰齋詩鈔

徐序

趣再三且述其世德淵源 約軒廣文先生性好藏書 樸亭先生有清華堂稿親承庭訓自甲戌迄戊午由諸生至通籍後四十餘年交當世賢人君子持文枋歷覽名勝訪求碑版暨

彤廷橐筆行帳宣毫每有所得都入篇章今取全集讀之如琅函秘笈之發古香也非翡翠蘭苕之闌鮮艷也黃河之大華嶽之高劍門巴峽之奇且險盡在目也先生之詩其本於學者何如立其格

者何如得於江山之助者又何如耶予與先生交
二十餘年其間離合不常茲於元亭載酒石室攷
古錦水草堂之延賞凌雲叩麈之往還且三歲矣
向見一斑今窺全豹此集行俾學詩者識所趨向
則先生之所以訓學者在是所以訓格者亦在是
其繫心遊覽者吾知慷慨登臨之興懷人覽古之
情當有發於不自已者矣上海徐長發書於晚晴

園

惜分陰齋詩鈔

徐序



二

惜分陰齋詩鈔總目

卷一

平江集

古今體詩八十三首

卷二

秋臯集

古今體詩八十一首

卷三

楚南集

古今體詩六十五首

卷四

惜分陰齋詩鈔

總目

行廬集

古今體詩七十首

卷五

蜀中集

古今體詩六十三首

卷六

中州集

古今體詩七十三首

卷七

懷兩堂集

五言律詩一百二十首

卷八

南旋集 古今體詩一百六首

卷九

北行集 古今體詩九十首

卷十

木雞齋集 古今體詩八十七首

卷十一

城南集 古今體詩八十八首

卷十二

惜分陰齋詩鈔

總目

二

春田集 古今體詩九十四首

卷十三

退思軒集 古今體詩五十九首

卷十四

板垣集 古今體詩六十八首

卷十五

蜀中二集 古今體詩八十五首

卷十六

蜀中二集 古今體詩一百二十一首 附八首

惜分陰齋詩鈔

總目

三

惜分陰齋詩鈔卷一

長洲李 葉滄雲

平江集 甲戌至乙酉

擬古

三山在海上神仙相往還上有瑤林樹下有玉液
泉求仙不易到滉漾滄溟間風濤勢難測鼓盪天
地寬鯨魚跋浪來變化開奇觀

閒庭種花木幽蘭蘊真香心清聞其妙如發潛德
惜分陰齋詩鈔 卷一 平江集 一

先念彼空谷中誰與賞孤芳君子守吾貞待時而
徜徉遲遲春復秋中心毋悲傷

高岡峙千仞晴空望縹緲鳳凰鳴其巔不屑隨羣
鳥宇宙自寥濶俯瞰俱了了空山勿久留任取春
光好覽輝乃下之雲飛出塵表

客從遠方來遺我一孤琴冰霜從中結幽情寄清
音彈之各成聲共抱區區心把酒結綢繆曠然暢
胸襟譬彼膠漆固交道乃益深

秋懷

我覺秋興逸誰云秋氣悲 太白句 清風掃白雲山水

有奇姿蒼蒼天地濶飛鳥渺何之爽氣西北來空
際忽參差豁然一回顧林木森在茲日光薄西山
餘霞散垂垂歸來招山鶴山鶴相與隨此中有真
機忘機復云誰

芥子園畫譜

畫樹欲其勁畫石欲其皴尺幅尋丈勢千山萬壑
惜分陰齋詩鈔 卷一 平江集 二

春須在境界濶不爭耳目新收之歸須彌放之布
海垠本屬無聲詩千古取法均縱橫極變化此中
有鬼神我不善詩畫惟吾性所循但識活潑趣氣
機得其真琢削無大力骨肉失停勻有才少傳授
無為輕弄屑紛紛誇點筆貽笑大雅倫

古劍歌

太阿光氣何磊磊越砥清波躍精彩幾處流星點
點垂白虹紫電空中在干將一自出豐城化作蒼

龍半夜鳴七尺騰空天外舞飄然欲向秋光明秋
先炯炯射牛斗赤霄步光長不朽黃金海內那可
求持贈長歌入樽酒將軍手握去天涯獵獵寒風
掃塵垢水斷蛟龍陸斷犀魑魅潛藏白猿走千里
雨雪空山側蒼松危石孤雲黑奇氣森森儼在茲
一片風霜隱古色從來豐草與長林沉淪歲月何
人識坐使壯士起愁思嗚咽中宵嘆抑塞紅血隱
隱斑陸離百年寒鐵空拂拭君不見純鈞湛盧聲
惜分陰齋詩鈔 卷一 平江集 三

擬韋蘓州寄盧庾

良朋夙相契別遠與晤難同方千里情寤寐非所
安幽思如膠粘欲解不可浣對酒獨茫然望遠徒
吁嘆鳥飛雲亦散孤齋兀生寒何時共佳夕抒寫
傾危盤平生道義心一慰開顏歡

惜花

旬日何加頃刻多一年贏得一回過影依錦障爭
風妬夢起紗窓託酒歌那比繡齊香擢幹更無野
蕊蜜成柯 酉陽雜俎繡齊香出波斯國香氣不散野蕊蜜出佛林國四時敷榮 番番
花信頻交換欲繫春光奈老何

玉盤盂二首次東坡韻

東坡詩興寄春餘花錫嘉名古所無千朵漫爭金
錯落一杯獨倚玉盤盂自從東武新題品不數揚
州舊譜圖明月白雲相伴住清光時復照顏膚

惜分陰齋詩鈔

卷一

平江集

四

供佛天葩春自知彤雲翦刻暗生疑銀甌寶甕陳
筵榻琅笈瓊函佐鼎彝客為僧留行勸酒花因人
重坐題詩即今狼籍紅都勝白雪還能傲別枝

景德窻器歌

我聞陶上有虞氏器本貴其質而已後人踵事漸
增華考工陶旋稱良美甌甑禹庾必中膊髻墜薛
暴不入市漢魏以後無窻名傳之乃自錢越始古
物積久罕餘賸爭稱柴汝官哥定雨過天青未易

求紫口鐵足誰相證不見棕眼隱生紋更少芝麻
細掙釘融青披翠日競新刻月旋冰輒矜勝紛紛
製器闢清堅象董麤質虧精妍魯鼎真贗必當辨
魚子蟹爪充琉田吉州均州露光彩建安烏泥殊
坏埏浮梁景德器潤澤麻倉山中好土脉鍊灰欲
憑出泐水乳料先須重採石盛自宣淡與成彩復
有回青及填白迄今珍貴聲價高秘色燒來勝古
昔尊彝占爵禮器陳屏牀几杖良材臻螭盤虎紐
惜分陰齋詩鈔卷一 平江集 五
稜角具簫方觚直弁侈均花瓷香鼎分縹綠酒鎗
茶棹供紛綸刻畫花果象磨琢渲染山水歸陶甄
一器工聚由搏埴五采參錯如琳琅物華地產人
事集金輝玉彩珠光新無物不有超前代惟美斯
愛成殊珍博古圖中觀大備豈惟范合傳泥鈞
懷友
蟋蟀在戶明月在堂我懷伊人遠在一方 風雨
淒淒山川渺渺我懷伊人憂心如夢

擬昌谷牡丹種曲

晴絲飄逐東風老人眼綠遍池塘草洛陽消息到
窓遲天女衣裳對鏡曉鶴膺雲起玉含煙色白錦帳
霞飛香夢闌絳紅紫色舞腰一捻黃金縷黃色琴聲三疊
淥水絃綠色重稜倒暈月影昏擎盤覆瓿醉邀恩搖
曳春光住何處明璫翠珮笑無語

金鯽因讀東坡往富陽新城李節推先留風

水洞見待詩金鯽池邊不見君之句即用

惜分陰齋詩鈔卷一 平江集 六

其韻

水有魚樂山有禽東坡獨喻子美吟東坡詩話讀蘇子美沿橋

待金鯽竟日獨遲留之句初不喻此語今遇知六和塔寺後有此魚如金色珍貴久矣此魚

淊淊重江浦廣陵新都競傳語黑色未變初見君

一朝新樣出溪村金銀雙管藻譽遠文章五色清

揚婉純紅變白浪成名落花流水隨風行風在波

間香在萼水自無心花自落三尾五尾樂遲遲堆

金砌玉當及時何為不向江湖走區區筌餌貪人

有

幻花十六詠

雲花

香風揚梵瑄澤雨散林曛作為優曇鉢觀此妙鬘
雲天際一片起空中五色分錯落殊錦繡枝葉相
續紛化工設奧境頃刻開奇芬

霜花

蕭瑟元冥令點染青女粧散作百花狀認是三秋
惜分陰齋詩鈔 卷一 平江集 七

霜侵袂寒生顯著樹曉飛香月照鴛鴦瓦風開薜
荔牆春光留不住羅幙遙相望

雨花

天公甘苦心人間歡喜雨 分別功德論雨調和者是歡喜雨 消息

本是空瀾漫不勝數點素早驚梅含芳欲混杜瑤
珠集簾幃銀線穿錦組漸覺鳥窺人那知春在戶

雪花

鏡海淨纖塵水天散瓊屑剪水柳色飛掩袖蘭心

結寒月每相依春風復惜別小閣醉香濃空山卧
清絕題詩可當梅彈琴欲留雪 子山詩留雪擬彈琴

浪花

春雲壓層波寒風颭新漲煙水弄晴輝桃花開巧
樣翩翩練影中吞吐盤渦上碧落涵清虛濃藍蘊
色相鷗鷺渾忘機鯢鯨忽破浪

水花

天花能散彩神工若鏤冰水以五色彰質因一氣
惜分陰齋詩鈔 卷一 平江集 八

凝森森傲浮玉燦燦勝裁繒銀竹排難落頗梨碎
有稜東風惟待解還看春水澄

心花

微理不可測靈機相與深碧水原無障青蓮自在
心靜觀閑瓔珞密諦證浮沉聞香淨生妙適趣曠
難尋淡舍元酒味清餘太古音

眼花

入望無定準憑空欲結撰不與俗相蒙自知界無

限倦臨翡翠屏醉挹玻璃瓊花霧混風泉鳥道盤
雲棧銀海開巨觀蓮臺仰慧眼

茗花

瓊雪濯寒泉松風起石鼎香懷穀雨前春憶蒙山
頂寸粟聚圓紋半痕暈薄醒如散天女花共酌仙
人茗馨生乳味先品絕芳卉等

酒花

浮梁玉滿壺梨花春入手雪翻銀水流香傾白虹
惜分陰齋詩鈔卷一 平江集 九

走椒馨渾不分蘭英疑未剖頃刻酒是花逡巡花
在酒芳蟻旋復空輕漚更何有

墨花

桐翠結元霜松青蘊春色恠底出金壺便如雕玉
飾使者笑無言客卿愛相識翡翠影窺池薔薇香
在墨點點入歲寒漠漠浮塵息

筆花

真隱在小山寶相有仙質含露復貯雲銜華更佩

寶青蓮入夢來黃蘗載香出欲浣試雲箋餘潤留
點漆應待雙毫贈相珍五色筆

燭花

釭花入夜笑雲麻試新燭客到酒相親漏寒夢不
足蘭桂香作膏筠籠影迴屬蓮帳蕊含珠雪窻缺
混玉同樹照百枝連盤起寸粟

劍花

芙蓉忽盤空冰霜冷生艷天外倚無窮風前看不
惜分陰齋詩鈔卷一 平江集 十

厭八夜散月華當筵動燭焰星精吐光芒秋虹逐
激灩稱夜迸作花繞指試拂劍

衣花

隔夜香新染臨風影欲飛自覺春滿懷不知雲在
衣一桁對蘭薄半痕入露晞客來贈縑素醉去攬
芳菲試開錦步障同看金帶圍

鏡花

壁上對羞生池中看月映有花色本空無花心亦

淨龍垂玳瑁，奩鳳倚芙蓉。鏡換酒本無，愁催顏更何。競長清負水，質不落凌霜。性

夜泊

蕭颯江干晚，蒼茫繫短篷。鐘聲秋市遠，雁影暮雲空。蘆暗雙堤雨，濤鳴四野風。望中添勝賞，深樹逗燈紅。

白門雜感

晚嶺濃雲暝，秋城細雨濛。六朝煙草碧，萬井暮炊香。分陰齋詩鈔

卷一

平江集

七

紅笳和疎更，鼓鐘傳老樹。風不禁鄉思，切神往故園中。

沙渚涵形渺，峰嵐列勢雄。鐘聲隨雨急，水氣逐雲通。歸犢童橫笛，停橈客落蓬。天涯秋浩浩，領取阿誰同。

秋日遊毛氏園林

隨時尋適意，野色澹秋顏。竹木何蕭瑟，湖山自往還。松濤石上落，花露雨中潺。儘得林泉趣，西風蘚

惜分陰齋詩鈔

已班

坐石秋雲靜，溪山夕照來。芙蓉聯苒蓼，薜荔鎖莓苔。晚寺鐘聲度，空庭鶴影迴。西風似有意，眺遠意徘徊。

秦淮泛舟

長板橋頭碧水潺，三秋花月未曾閒。烟波幾曲誰家院，風雨當年何處山。興到忘情詩酒外，愁來回首夢魂間。笙歌此地聽將老，佇我同舟渡遠灣。

惜分陰齋詩鈔

卷一

平江集

七

棲霞道中

盼斷層巖思悄然，登臨不信夙無緣。秋空老樹難留鳥，人近青山未着鞭。蘆月半江雲浸水，松風一徑夜鳴泉。明年載酒幽居宿，可似癡心仰碧巔。

芭蕉

綠天入靜晚，雲添拂拂秋。聲冷畫檐斜，葉乍翻風料峭。靈苗初試雨，廉纖晴窓夢醒寒。生簾午院書殘，陰滿簾最是輞川施妙手，新題好向雪中拈。

題惠枝南乘槎圖

天風下垂滄海東銀濤白馬橫長空百川委輪乾
坤與一氣吐納蛟龍宮神仙縹緲隔烟霧昏曉變
幻窮元功誰是人間不肯住神馳渤澥觀鴻濛之
予曠朗滌凡想古槎萬里長雲通我聞博望使西
域河源千載無消息沆瀣茫茫自古今蕩雲沃日
天無極君獨拂衣繼絕蹤寰瀛圖就神超特一望
靈潮接杳冥虛無樓市紛重溟吞吐沒朝暾裏
惜分陰齋詩鈔 卷一 平江集 三

西磧探梅

西南諸峰多奇兀峭壁摩天羅劍戟盤旋銅井厯
長旂路轉峯迴人面隔飛來奇岫撐雲霄一帶長

林隱西磧天風忽忽空山度飛泉萬頃林間布山
影湖光夕照寒奔騰海氣含空霧試問梅花何處
是慘淡冰霜鎖寒樹疎影橫斜月落時黃昏風冷
吹夢遲淺淡花痕含寂寞霜魂一片白雲低白雲
凍合失清曉幽姿傲骨山中老芒鞋屨笠過巖阿
但覺香風相縹緲香風數里封雪白枝頭欲辨渾
無色一林寒瘦入春風花滿山南與山北

春日行

惜分陰齋詩鈔 卷一 平江集 古

園林何處聞啼鳥啼入春風花欲曉參差桃李試
朝暾踈煙一片枝頭繞春光欲向春山碧尋春不
與春林隔斜陽隱隱入林深策杖花前不知夕我
聞行樂貴及時黃金難買花相知朝朝醉酒草堂
起顏然獨老花叢裏

皋橋懷古

何處停車弔隱間故橋楊柳接吳關一身混跡置
塵裏千古高情賓主間廡下不知春草沒溪邊無

復暮鴉還姓名飄泊詩篇冷明月河梁水滿灣

芍藥歌次昌黎韻

曉起買得維揚花數枝紛霑爭芳華艷友惟憑瑞
伯選近客應來敏叔家翦刻彤雲片片起紅都勝

與黃樓子今日初見清明風

是日立夏

春去花開傲桃

李花性還當識人性雅情不與凡葩並勾漏丹砂

取藥嘗皓月澄波照心鏡婪尾杯中醉酒飴玉膽

瓶際結花知詩成對影笑問誰贈我瑤華何所之

惜分陰齋詩鈔

卷一

平江集

五

過勤息菴訪曉峯上人遇顧亦涵

木落高天靜禪房風景清老僧無俗慮我友亦忘

情梵響連蛩響鐘聲入雨聲一塵不到處來且學

無生

和梅谿冬杪北園閒眺即用原韻

北園徐散步殘臘欲更新歲景將云暮詩情自在
春高風雲裏翼天趣水中鱗真意悠然得閒閒物
外人

抱甕亭中餞送章二梧北行

出門常作客詩酒寄平生獨有良朋樂而無俗慮
繁灌花宜抱甕聽雨更挑藥明日折楊柳相將贈
遠行

家父之粵東

東越三千里匆匆離別難風霜梅嶺急冰雪桂江
寒象跡添山雨蛟涎起水湍遠行豈得已夢寐望
平安

惜分陰齋詩鈔

卷一

平江集

六

家父錢塘信至

別離纔幾日音信喜能通潮長江舟雨春寒夜岼
風雲山千里去霜雪一年終遙識關河路湖堤望
未窮

家父之粵東計程已到江右

百越三千里九江十八灘玉山春雪度庾嶺早梅
看車馬關河瘁晨昏定省難天涯非咫尺夢寐意
何安

得家父南歸信

越道三千行路難
九江南下朔風寒
煙庾嶺看梅樹
冰雪嚴灘問釣竿
家信喜從天外得
客程憶向夢中安
回思離別經年久
何日趨庭笑語歡

春江花月夜

東風殘照到天涯
影滿孤舟客夢賒
沙柳星迷漁火暗
汀桃煙冷暮雲斜
鐘聲樓角三更戍
笛吹闌山萬里家
江上年明月望夜
潮春樹聽飛花

惜分陰齋詩鈔

卷一

平江集

七

銀臺雪翠庭師太夫人八十壽

閩山之秀漳水之清
鍾毓我師至性篤生
天經風秉孝行以成
為養而仕甘旨豐盈
慈親既老歸養維誠
章一在昔

王命于江于浙秉厥文衡
靖共丕忒尚文崇雅有
典有則夙夜維勤邦家之直
既孝且忠克有其德
章二其在于浙無虧溫清
迎養來閩

一人之命瞻彼浙閩載于歌詠
既勤外職既脩內

行清讌承歡順乃天性

章三

皇帝顧問惟三慰止受天之祿
祿養在是出則王臣入則孝子
治爾邁豆潔爾滄瀡載色載笑
罔不

有喜

章四

君省方惟臣述職厥職不違孝思靡極

皇帝曰咨其歸親側事親之老必竭其力爰拜稽

首

天子聖德

章五

厥賜伊何為綢繆緡煌煌盛典輝映

惜分陰齋詩鈔

卷一

平江集

七

德門迺奉厥賜以娛親顏惟親之養皆

君之恩受

君之恩由于子之勤

章六

聿至于今壽惟八十以樂高

年中心愛日日月孔長福祿來集雖烏在庭綵衣

在膝酌此春酒兕觥宜執

章七

天祐賢母而壽而康

子職是盡令德孔臧孝而能忠邦家之光繁實不

材備在門牆南山獻祝何日能忘

章八

秋夜